

ა (ა) ი პ

საქართველოს ტექნიკური  
უნივერსიტეტი

ბ რ ძ ა ნ ე ბ ა

11. 05.2012 № 49

თბილისი

ბაკალავრიატის წარჩინებულ სტუდენტთათვის  
პრეზიდენტის სტიპენდიის დანიშვნის წესის  
განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის, საქართველოს განათლებისა და მეცნიერების მინისტრის 2012 წლის 20 აპრილის №427 ბრძანების – „პრეზიდენტის სტიპენდიები ბაკალავრიატის წარჩინებულ სტუდენტებს“ პროგრამის დამტკიცების შესახებ“ საქართველოს განათლებისა და მეცნიერების მინისტრის 2012 წლის 31 იანვრის №159 ბრძანებაში ცვლილების შეტანის შესახებ“, და სტუ-ს აკადემიური საბჭოს 2012 წლის 10 მაისის N 663 დადგენილების შესაბამისად სტუ-ს ბაკალავრიატის სტუდენტთათვის აღნიშნული სტიპენდიის დანიშვნის წესის განსაზღვრის მიზნით

ვ ბ რ ძ ა ნ ე ბ :

1. სტუ-ს ბაკალავრიატის სწავლების I, II, III და IV წლის სტუდენტებს ამ ბრძანებით გათვალისწინებული წესის შესაბამისად დაენიშნოთ პრეზიდენტის 150-ლარიანი სტიპენდია 2012 წლის პირველი მარტიდან 2012 წლის პირველ აგვისტომდე - 5 კალენდარული თვის განმავლობაში;
2. პრეზიდენტის სტიპენდიანტების შერჩევა მოხდეს წინამდებარე ბრძანებით განსაზღვრული წესის შესაბამისად (იხ.დანართი);
3. საქართველოს ტექნიკური უნივერსიტეტის ბაკალავრიატის სწავლების I, II, III და IV წლის სამშენებლო, ენერგეტიკისა და ტელეკომუნიკაციის, სამთო-გეოლოგიური, ქიმიური ტექნოლოგიისა და მეტალურგიის, სატრანსპორტო და მანქანათმშენებლობის (გარდა ბიზნესის ორგანიზაციისა და ტრანსპორტის მენეჯმენტის სპეციალობებისა), არქიტექტურის, ურბანისტიკისა და დიზაინის, ინფორმატიკისა და მართვის სისტემების ფაკულტეტების და ბიზნეს-ინჟინერინგის ფაკულტეტის ტურიზმისა და ეკონომიკის სპეციალობის იმ სტუდენტს, რომელსაც 2011–2012 სასწავლო წლის შემოდგომის სესიების შედეგების მიხედვით აქვთ რეიტინგი 91% და მეტი, დაენიშნოთ პრეზიდენტის სტიპენდია ბაკალავრიატის სტუდენტითა ვონტინგენტის პროცენტული წილის შესაბამისი რანჟირებული სიების მიხედვით;
4. საქართველოს ტექნიკური უნივერსიტეტის ბაკალავრიატის სწავლების I, II, III და IV წლის ბიზნეს-ინჟინერინგის ფაკულტეტის ყველა სპეციალობის (გარდა ტურიზმისა და ეკონომიკისა) 40 და სატრანსპორტო და მანქანათმშენებლობის

ფაკულტეტის ბიზნესის ორგანიზაციისა და ტრანსპორტის მენეჯმენტის სპეციალობის 9 სტუდენტს, რომლებსაც 2011-2012 სასწავლო წლის შემოდგომის სესიების შედეგების საფუძველზე შედგენილი რანჟირებული სიების მიხედვით აქვთ საუკეთესო მოსწრება (არანაკლებ 91%-ისა), დაენიშნოთ პრეზიდენტის სტიპენდია;

5. თუ გათვალისწინებული რომელიმე კრიტერიუმის დაუკმაყოფილებლობის გამო გაუნაწილებელი დარჩა სტიპენდიები, ისინი გადაეცემა მაღალი რეიტინგის მქონე სხვა სტუდენტებს;
6. პრეზიდენტის სტიპენდიანტთა შერჩევისას თანაბარი აკადემიური მოსწრების შემთხვევაში, გათვალისწინებული უნდა იყოს სტუდენტის მონაწილეობა სტუდენტურ კონფერენციებში და სხვა აქტივობები; ასეთ შემთხვევაში საბოლოო გადაწყვეტილებას იღებს ფაკულტეტის საკონკურსო კომისია;
7. სტიპენდიანტთა შერჩევის შედეგები გამოიკრას შესაბამის ფაკულტეტებზე თვალსაჩინო ადგილას და განთავსდეს სტუ-ს ოფიციალურ ვებგვერდზე;
8. ფაკულტეტების საკონკურსო კომისიების წარდგინების საფუძველზე მომზადდება და გამოიცემა რექტორის ბრძანება პრეზიდენტის სტიპენდიების დანიშვნის თაობაზე;
9. ბრძანება გამოიკრას უნივერსიტეტის ადმინისტრაციულ კორპუსში და ფაკულტეტებზე თვალსაჩინო ადგილას და განთავსდეს სტუ-ს ოფიციალურ ვებგვერდზე;
10. ბრძანებაზე კონტროლი დაევალოს სწავლების დეპარტამენტის უფროსს ი.ლომიძეს

რექტორი

ა. ფრანგიშვილი

ვიზები:

რექტორის მოადგილე  
სასწავლო დარგში ლკლიმიაშვილი

სწავლების დეპარტამენტის  
უფროსი ი. ლომიძე

ადმინისტრაციის ხელმძღვანელი  
ქ. ქუქრაშვილი

იურიდიული დეპარტამენტის  
უფროსი ბ. მაისურაძე

Wimha

2011-2012 სასწავლო წლის მარტის, აპრილიდ, მაისის ივნისის და ივლისის თვეებში სტუ-ს ბაკალავრატის წარჩინებული სტუდენტებისათვის პრეზიდენტის სტიპენდიანტთა შერჩევის წესი.

1. საქართველოს განათლებისა და მეცნიერების მინისტრის 2012 წლის 20 აპრილის №427 ბრძანებით სტუ-ს ბაკალავრიატის წარჩინებულ სტუდენტებისთვის 2012 წლის მარტი, აპრილი, მაისის, ივნისის და ივლისის თვეებისათვის გამოყოფილი პრეზიდენტის 259 სტიპენდია ფაკულტეტებზე ბაკალავრიატის სტუდენტებზე პირველ რიგში განაწილდეს პრიორიტეტული სპეციალობების მიხედვით (ყველა საინჟინრო სპეციალობები, აგრეთვე ტურიზმი და ეკონომიკა);
  2. პრეზიდენტის სტიპენდია დაინიშნოს 2011-2012 სასწავლო წლის შემოდგომის სესიების შედეგების მიხედვით;
  3. ფაკულტეტებზე, დეკანების ბრძანებით შეიქმნას საკონკურსო კომისიები პრეზიდენტის სტიპენდიანტთა შერჩევის კრიტერიუმების შესამუშავებლად და პრეზიდენტის სტიპენდიანტთა შესარჩევად, რომლებიც იხელმძღვანელებს შემდეგით:
    - პრეზიდენტის სტიპენდია დაენიშნება ბაკალავრიატის სწავლების I, II, III და IV წლის ბიზნეს-ინჟინერინგის ფაკულტეტის, გარდა ტურიზმისა და ეკონომიკის სპეციალობის, 40 და სატრანსპორტო და მანქანათმშენებლობის ფაკულტეტის ბიზნესის ორგანიზაციისა და ტრანსპორტის მენეჯმენტის სპეციალობის 9 წარჩინებულ სტუდენტს, რომელთა აკადემიური მოსწრება შეადგენს 91% და მეტს რანჟირებული სიების მიხედვით;
    - პრეზიდენტის სტიპენდია დაენიშნება ბაკალავრიატის სწავლების I, II, III და IV წლის სამშენებლო, ენერგეტიკისა და ტელეკომუნიკაციის, სამთო-გეოლოგიური, ქიმიური ტექნოლოგიისა და მეტალურგიის, სატრანსპორტო და მანქანათმშენებლობის (გარდა ბიზნესის ორგანიზაციისა და ტრანსპორტის მენეჯმენტის სპეციალობებისა), არქიტექტურის, ურბანისტიკისა და დიზაინის, ინფორმატიკისა და მართვის სისტემების ფაკულტეტების ყველა სპეციალობის და ბიზნეს ინჟინერინგის ფაკულტეტის ტურიზმისა და ეკონომიკის სპეციალობის იმ წარჩინებულ სტუდენტებს, რომელთა აკადემიური მოსწრება შეადგენს 91% და მეტს. ფაკულტეტებზე ბაკალავრიატის სტუდენტთა კონტინგენტის პროცენტული წილის შესაბამისი რანჟირებული სიების მიხედვით შემდეგი ოდენობით:
      - სამშენებლო ფაკულტეტი – 20 სტიპენდია;
      - ენერგეტიკისა და ტელეკომუნიკაციის ფაკულტეტი – 34 სტიპენდია;
      - სამთო გეოლოგიური ფაკულტეტი – 13 სტიპენდია;
      - ქიმიური ტექნოლოგიებისა და მეტალურგიის ფაკულტეტის – 22 სტიპენდია;
      - სატრანსპორტო და მანქანათმშენებლობის ფაკულტი – 17 სტიპენდია;
      - არქიტექტურის, ურბანისტიკის და დიზაინის ფაკულტეტი – 10 სტიპენდია;
      - ბიზნეს-ინჟინერინგის ფაკულტეტი – 11 სტიპენდია;
      - ინფორმატიკისა და მართვის სისტემების ფაკულტეტი – 83 სტიპენდია;    - პრეზიდენტის სტიპენდიის დანიშვნისას ფაკულტეტებზე თანაბარი აკადემიური მოსწრების შემთხვევაში, გათვალისწინებული უნდა იყოს სტუდენტის მონაწილეობა სტუდენტურ კონფერენციებში და სხვა აქტივობები; ასეთ შემთხვევებში საბოლოო გადაწყვეტილებას იღებს ფაკულტეტის საკონკურსო კომისია;
4. ფაკულტეტის საკონკურსო კომისიების წარდგინების საფუძველზე გამოიცეს რექტორის ბრძანება პრეზიდენტის სტიპენდიების დანიშვნის თაობაზე.